

p. 412 line -7【**心地觀經**】《大乘本生心地觀經》卷3〈2 報恩品〉：「以是因緣汝當知，勤修福利諸功德。以其男女追勝福，有大金光照地獄，光中演說深妙音，開悟父母令發意。憶昔所生常造罪，一念悔心悉除滅，口稱南無三世佛，得脫無暇苦難身，往生人天長受樂，見佛聞法當成佛。」(T03,p.302, b12-18)《大乘本生心地觀經淺註》卷3：「汝既不能拔親出苦。須從佛言。修設冥福。仗承佛法薦之。或禮佛修懺。或施食蘭盆。或造佛修塔。或誦呪看經。故云諸功德。以其下。承法獲益。追者隨逐也。謂父母魂魄杳冥。人不能見。隨逐親亡之日。作殊勝福以薦之。是為追薦。有大下。見其功效也。深蒙法力。能感佛放金光。下照地獄。光中下。金光說法也。或說無常苦空。無我不淨等。或說六度大乘。心地法門等。深妙音者。以一音中具足多種法門。隨機所解。各有開悟。令者使也。即法力使之也。發意即是發心。謂既能開悟。必當發心。或發聲聞辟支佛心。或發菩提心。此是孝順男女。修諸功德。報恩拔濟之如此也(金光說法者。不唯子之大孝所感。猶顯佛之慈悲廣大也)。」(X20,p.963,a8-20)

◎壽眾無量第十三

- 1.本品顯三無量：一、佛壽無量。二、會眾無量。三、會眾壽命亦復無量。一者顯法身德。二者顯彌陀大願普度無量。三者主伴如如，真實不可思議。
- 2.此是第15「壽命無量願」及第16「聲聞無數願」之願成就文。全文分：1.法說。2.喻明。
- 3.聖眾無量故，一往生即得與諸上善人俱會一處。帶惑往生者，一登彼土，便無退轉。又復壽命無量，故於彼土皆可於一生之中補佛位而證極果。
- 4.《彌陀要解》云：「由無量壽義，故極樂人民，即是一生補處，皆定此生成佛，不至異生。」

p. 413 line -1【**有無數聲聞眾**】（漢譯、吳譯）諸菩薩、阿羅漢。（魏譯）聲聞、菩薩。（唐譯、宋譯）諸聲聞眾。

p. 417 line 7【**壽命同佛**】《淨土十要·彌陀要解》云：「心性照而常寂故為壽命。今徹證心性無量之體。故壽命無量也。法身壽命無始無終。報身壽命有始無終。此亦佛佛道同。皆可名無量壽。應身隨願、隨機。延促不等。法藏願王有佛及人壽命皆無量之願。今果成如願。別名無量壽也。…三身不

一異。應身亦可即是無量之無量矣。……當知光壽名號皆本眾生建立。以生佛平等。能令持名者。照與光融。壽同佛寂也(光明壽命同佛無異)。(X61,p.651, c19-p.652,a8)

◎寶樹遍國第十四

1. 本品重顯極樂國土依報莊嚴。七寶行樹，周遍其國，此諸寶樹，或一寶獨成，或多寶共作。樹皆整齊莊嚴，光色殊妙，隨風奏樂，音調和雅。此即第 40「無量色樹願」之成就。
2. 《彌陀經》：「微風吹動諸寶行樹及寶羅網，出微妙音，譬如百千種樂同時俱作，聞是音者，自然皆生念佛、念法、念僧之心。」
3. 文中「榮色光曜」、「出五音聲」等義，深言之，一切妙寶皆彌陀性德所顯，一一寶中備具一切珍寶之妙德，一一寶樹皆是圓明具德也。

p. 419 line -4【定善義】即善導大師《四帖疏》卷 3。「七重行樹」《觀無量壽佛經疏》卷 3：「彌陀淨國廣闊無邊，寶樹寶林豈以七行為量也。今言七重者，或有一樹，黃金為根，紫金為莖，白銀為枝，碼碯為條，珊瑚為葉，白玉為華，真珠為果，如是七重互為根莖乃至華果等，七七四十九重也。或有一寶為一樹者，或二三四乃至百千萬億不可說寶為一樹者，此義《彌陀經》義中已廣論竟。故名七重也。言行者，彼國林樹雖多，行行整直而無雜亂。」(T37,p.264,a26-b5)

p. 419 line -2【榮色光耀不可勝視】《觀無量壽佛經》：「一一華葉。作異寶色。瑠璃色中出金色光。玻瓈色中出紅色光。瑪瑙色中出磳磳光。磳磳色中出綠真珠光。珊瑚琥珀。一切眾寶。以為映飾。」《四帖疏》卷 3：「正明雜樹、雜嚴、雜飾異相。…明一一華葉轉互不同。瑠璃色中出金色光。如是轉相間雜。…更將一切雜寶而嚴飾之。」(T37,p.264,b15-20)

p. 420 line 1【定善義】《傳通記定善義》卷 2：「問：彼土可有漏。凡夫生處。何偏云無漏耶？答：群疑論云。問曰。極樂世界既許凡夫得生。未知為是有漏土。為是無漏土？釋曰。如來所變土。佛心無漏。土還無漏。凡夫之心未得無漏。依彼如來無漏土上。自心變現作有漏土而生其中。若約如來本土而說。則亦得名生無漏土。若約自心所變之土而受用者。亦得說言生有漏土。雖有漏。以托如來無漏之土而變現故。極似佛無漏。亦無眾惡過患。」

《佛地經論》卷1：「如實義者。如來身土甚深微妙。非有非無。非是有漏亦非無漏。非善非惡。亦非無記。非蘊界等法門所攝。但隨所宜。種種異說。……如是淨土為與三界同一處所？為各別耶？有義各別。有處說在淨居天上。有處說在西方等故。有義同處。淨土周圓無有邊際。遍法界故。如實義者。實受用土周遍法界。無處不有。不可說言離三界處。亦不可說即三界處。若隨菩薩所宜現者。或在色界淨居天上。或西方等處所不定。」本會版 p.617

p.420 line -6【雪廬老人眉註】心如工畫師，萬法皆所現；與其念世樂，不如專想此。

p.420 line -1【悉皆圓明具德】《觀無量壽佛經》：「妙真珠網彌覆樹上。一一樹上有七重網。一一網間有五百億妙華宮殿。如梵王宮。諸天童子自然在中。一一童子。五百億釋迦毗楞伽摩尼以為瓔珞。其摩尼光照百由旬。猶如和合百億日月。不可具名。眾寶間錯。色中上者。…一一樹葉…涌生諸果。如帝釋餅。有大光明化成幢幡無量寶蓋。是寶蓋中。映現三千大千世界一切佛事。十方佛國亦於中現。」《四帖疏》卷3：「正明果有不思議德用之相。即有其五。一明寶果生時自然涌出。二明借喻以標果相。三明果有神光化成旛蓋。四明寶蓋圓明內現三千之界，依正二嚴種種相現。五明十方淨土普現蓋中，彼國人天無不覩見。又此樹量彌高，縱廣彌闊，華果眾多，神變非一。一一樹既然，遍滿彼國所有諸樹之果眾多，盡皆如此。」(T37,p.264,c9-17)

◎菩提道場第十五

1. 此品中之菩提樹，即第41願中之道場樹。品中先顯樹之廣大莊嚴。次顯樹之妙德難思。末顯彌陀願力，舉果明因。
2. 菩提樹之莊嚴可參閱觀經「寶樹觀」第四，更顯事事無礙境界。
3. 眾生六根中任何一根，能緣觸此樹，皆得不退、得忍、成佛之益。正是第41「樹現佛剎願」與第47「聞名得忍願」之所攝。深顯彌陀願力不可思議。
4. 「六根清徹，無諸惱患」與《法華經·法師功德品》「六根清淨」同；配當階位，天台之圓教相似即（十信位），然此處更勝。
5. 由見樹而能證得三種忍，乃是阿彌陀佛無量的智慧、德能、才華、善巧方

便，皆於寶樹之中顯露無遺。名號與樹，皆是果地大覺妙德之所顯，皆是圓圓果海，圓融具德。

6.三種忍，《淨影疏》曰：「尋聲悟解，知聲如響，名音響忍，三地已還。捨詮趣實，名柔順忍，四五六地。證實離相，名無生忍，七地以上。」其意謂音響忍是別教三地以下之菩薩所得。柔順忍是四五六諸地菩薩所得。若證入實相離一切相，名為得無生法忍，則在七地菩薩以上。

7.依法藏菩薩之本願，乃有今日彌陀如來之神力。以彌陀因中發聞名得忍之願，以願力故，成就極樂見樹得忍之殊勝功德成就。由願生力，因力願成。故曰「此皆無量壽佛，威神力故，本願力故」。令見樹者，悉得無生法忍，頓證八地菩薩。

p. 426 line 3【**六根清淨**】《法華經》卷六〈法師功德品〉謂，善男子善女人或受持、或讀、或誦、或解說、或書寫《法華經》，可得八百眼功德、千二百耳功德、八百鼻功德、千二百舌功德、八百身功德、千二百意功德，以此功德，而使六根莊嚴、清淨。《妙法蓮華經》卷6〈19 法師功德品〉：「若善男子、善女人，受持是經，若讀、若誦，若解說、若書寫，得八百身功德。得清淨身、如淨琉璃，眾生喜見。其身淨故，三千大千世界眾生，生時、死時，上下、好醜，生善處、惡處，悉於中現。及鐵圍山、大鐵圍山、彌樓山、摩訶彌樓山等諸山，及其中眾生，悉於中現。下至阿鼻地獄，上至有頂，所有及眾生，悉於中現。若聲聞、辟支佛、菩薩、諸佛、說法，皆於身中現其色像。……得千二百意功德。以是清淨意根，乃至聞一偈一句，通達無量無邊之義，解是義已，能演說一句一偈至於一月、四月乃至一歲，諸所說法，隨其義趣，皆與實相不相違背。若說俗間經書、治世語言、資生業等，皆順正法。三千大千世界六趣眾生，心之所行、心所動作、心所戲論，皆悉知之。雖未得無漏智慧，而其意根、清淨如此。是人有所思惟、籌量、言說，皆是佛法，無不真實，亦是先佛經中所說。」(T09,p.49,c22-p.50,a29)

p. 428 line 5【**異於賢劫經**】《賢劫經》卷1〈4 法師品〉：「六度已達得柔順忍。已逮斯忍名曰第二。第三響忍。解一切響本悉空寂。三界之音皆虛無實無一真諦。以了是義。因斯漸入無所從生法忍。悉暢三界皆無根本。五趣無元。了斯慧者。乃逮無所從生法忍。入諸所生心無所生。」(T14,p.8,c14-20)

p. 428 line 5【**如來興顯經**】凡四卷。西晉竺法護譯。本經譯自華嚴經之〈如來出現品〉。～《佛光大辭典》